



中華民國三年出版

十三經

上海商務印書館藏版

孝經

開宗明義章

仲尼居曾子侍子曰先王有至德要道以順天下民用和睦上下無怨汝知之乎曾子避席曰參不敏何足以知之子曰夫孝德之本也教之所由生也復坐吾語汝身體髮膚受之父母不敢毀傷孝之始也立身行道揚名於後世以顯父母孝之終也夫孝始於事親中於事君終於立身大雅云無念爾祖聿脩厥德

天子章

子曰愛親者不敢惡於人敬親者不敢慢於人愛敬盡於事親而德教加於百姓刑于四海蓋天子之孝也甫刑云一人有慶兆民賴之

諸侯章

在上不驕高而不危制節謹度滿而不溢高而不危所以長守貴也滿而不溢所以長守富也富貴不離其身然後能保其社稷而和其民人蓋諸侯之孝也詩云戰戰兢兢如臨深淵如履薄冰

卿大夫章

非先王之法服不敢服非先王之法言不敢道非先王之德行不敢行是故非法不言非道不行口無擇言身無擇行言滿天下無口過行滿天下無怨惡三者備矣然後能守其宗廟蓋卿大夫之孝也詩云夙夜匪懈以事一人

士章

資於事父以事母而愛同資於事父以事君而敬同故母取其愛而君取其敬兼之者父也故以孝事君則忠以敬事長則順忠順不失以事其上然後能保其祿位而守其祭祀蓋士之孝也詩云夙興夜寐無忝爾所生

庶人章

用天之道分地之利謹身節用以養父母此庶人之孝也故自天子至於庶人孝無終始而患不及者未之有也

三才章

曾子曰甚哉孝之大也子曰夫孝天之經也地之義也民之行也天地之經而民是

則之則天之明因地之利以順天下是以其教不肅而成其政不嚴而治先王見教之可以化民也是故先之以博愛而民莫遺其親陳之於德義而民興行先之以敬讓而民不爭導之以禮樂而民和睦示之以好惡而民知禁詩云赫赫師尹民具爾瞻

### 孝治章

子曰昔者明王之以孝治天下也不敢遺小國之臣而況於公侯伯子男乎故得萬國之歡心以事其先王治國者不敢侮於鰥寡而況於士民乎故得百姓之歡心以事其先君治家者不敢失於臣妾而況於妻子乎故得人之歡心以事其親夫然故生則親安之祭則鬼享之是以天下和平災害不生禍亂不作故明王之以孝治天下也如此詩云有覺德行四國順之

### 聖治章

曾子曰敢問聖人之德無以加於孝乎子曰天地之性人爲貴人之行莫大於孝孝莫大於嚴父嚴父莫大於配天則周公其人也昔者周公郊祀后稷以配天宗祀文

王於明堂以配上帝是以四海之內各以其職來祭夫聖人之德又何以加於孝乎故親生之膝下以養父母日嚴聖人因嚴以教敬因親以教愛聖人之教不肅而成其政不嚴而治其所因者本也父子之道天性也君臣之義也父母生之續莫大焉君親臨之厚莫重焉故不愛其親而愛他人者謂之悖德不敬不親而敬他人者謂之悖禮以順則逆民無則焉不在於善而皆在於凶德雖得之君子不貴也君子則不然言思可道行思可樂德義可尊作事可法容止可觀進退可度以臨其民是以其民畏而愛之則而象之故能成其德教而行其政令詩云淑人君子其儀不忒

紀孝行章

子曰孝子之事親也居則致其敬養則致其樂病則致其憂喪則致其哀祭則致其嚴五者備矣然後能事親事親者居上不驕爲下不亂在醜不爭居上而驕則亡爲下而亂則刑在醜而爭則兵三者不除雖日用三牲之養猶爲不孝也

五刑章

子曰五刑之屬三千而罪莫大於不孝要君者無上非聖人者無法非孝者無親此

大亂之道也

廣要道章

子曰教民親愛莫善於孝教民禮順莫善於悌移風易俗莫善於樂安上治民莫善於禮禮者敬而已矣故敬其父則子悅敬其兄則弟悅敬其君則臣悅敬一人而千萬人悅所敬者寡而悅者衆此之謂要道也

廣至德章

子曰君子之教以孝也非家至而日見之也教以孝所以敬天下之爲人父者也教以悌所以敬天下之爲人兄者也教以臣所以敬天下之爲人君者也詩云愷悌君子民之父母非至德其孰能順民如此其大者乎

廣揚名章

子曰君子之事親孝故忠可移於君事兄悌故順可移於長居家理故治可移於官是以行成於內而名立於後世矣

諫諍章

曾子曰若夫慈愛恭敬安親揚名則聞命矣敢問子從父之令可謂孝乎子曰是何言與是何言與昔者天子有爭臣七人雖無道不失其天下諸侯有爭臣五人雖無道不失其國大夫有爭臣三人雖無道不失其家士有爭友則身不離於令名父有爭子則身不陷於不義故當不義則子不可以不爭於父臣不可以不爭於君故當不義則爭之從父之令又焉得爲孝乎

感應章

子曰昔者明王事父孝故事天明事母孝故事地察長幼順故上下治天地明察神明彰矣故雖天子必有尊也言有父也必有先也言有兄也宗廟致敬不忘親也脩身慎行恐辱先也宗廟致敬鬼神著矣孝悌之至通於神明光于四海無所不通詩云自西自東自南自北無思不服

事君章

子曰君子之事上也進思盡忠退思補過將順其美匡救其惡故上下能相親也詩云心乎愛矣遐不謂矣中心藏之何日忘之



喪親章

子曰孝子之喪親也哭不偯禮無容言不文服美不安聞樂不樂食旨不甘此哀戚之情也三日而食教民無以死傷生毀不滅性此聖人之政也喪不過三年示民有終也爲之棺槨衣衾而舉之陳其簠簋而哀感之擗踊哭泣哀以送之卜其宅兆而安措之爲之宗廟以鬼享之春秋祭祀以時思之生事愛敬死事哀感生民之本盡矣死生之義備矣孝子之事親終矣

孝經終

爾雅

釋詁

初哉首基肇祖元胎俶落權輿始也林烝天帝皇王后辟公侯君也弘廓宏溥介純夏撫厖墳嘏丕弃洪誕戎駿假京碩濯訐宇穹壬路淫甫景廢壯冢簡劉販旺將業席大也撫厖有也迄臻極到赴來弔艤格戾懷摧詹至也如適之嫁徂逝往也賚貢錫畀予貺賜也儀若祥淑鮮省臧嘉令類緄穀攻穀介徽善也舒業順敘也舒業順敘緒也怡懌悅欣衍喜愉豫愷康妣般樂也悅懌愉釋寶協服也適遵率循由從自也適遵率循也靖惟漠圖詢度咨諏究如慮謨猷肇基訪謀也典彛法則刑範矩庸恆律戛職秩常也柯憲刑範辟律矩則法也辜辟戾臯也黃髮覲齒鮐背耆老壽也允孚亶展諶誠亮詢信也展諶允慎亶誠也謔浪笑敖戲謔也粵于爰曰也爰粵于也爰粵于那都繇於也故邵盍翕仇偶妃匹會合也仇讐敵妃知儀匹也妃合會對也妃媿也紹胤嗣續纂綏績武係繼也怠諡溢蟄慎貉謚顛顛密寧靜也隕碩湮下降墜標蘆落也命令禧畛祈請謁訊誥告也永悠迴違遐邇闊遠也永悠迴遠遐也

虧壞圯墮毀也矢雉引延順薦劉繹尸旅陳也尸職主也尸案也案寮官也績緒采業服宜貫公事也永羨引延融駿長也喬嵩崇高也崇充也犯奢果毅剋捷功肩堪勝也勝肩戡劉殺克也劉獮斬刺殺也亶亶蠹沒孟敦勗釗茂劭勉也驚務昏昏強也叩吾台予朕身甫余言我也朕余躬身也台朕賚畀卜陽予也肅延誘薦燄晉寅蓋進也羞餞廸烝進也詔亮左右相導也詔相導左右助勳也亮介尙右也左右亮也緝熙烈顯昭皓頌光也劭鞏堅篤擊虔膠固也疇孰誰也咄咄皇皇藐藐穆穆休嘉珍禕懿鑠美也諧輯協和也關關嚶嚶音聲和也颯變和也從申神加弼崇重也穀悉卒泯忽滅罄空畢罄殲拔殄盡也苞蕪茂豐也孳斂屈收戡蒐哀鳩樓聚也肅齊遄速亟屢數迅疾也逮駿肅亟遄速也壑阬阨膝徵隍濂虛也黎庶烝多醜師旅衆也洋觀哀衆那多也流差束擇也戰慄震驚難竦恐懼也痛瘡虺頹玄黃劬勞咎頽瘡癩戮瘋癘痺痒疢痲閔逐疢痲痺瘡瘻癘瘳病也恙寫惺盱繇慘恤懼憂也倫勩邛救勤愉庸瘁勞也勞來強事謂翦筭勤也悠傷憂思也懷惟慮願念怒思也祿祉履戩祓禧禔祐福也禋祀福蒸嘗禴祭也儼恪祗翼誣恭欽寅燠敬也

朝旦夙晨峻早也頌埃替戾底止俛待也喙幾裁殆危也譏汽也治肆古故也肆故  
今也惇亶祐篤擊仍毗埤竺腹厚也載謨食詐僞也話猷載行訛言也遘逢遇也遘  
逢遇逆也遘逢遇逆見也顯昭覲釗覲見也監瞻臨泣頰相視也鞠訥溢盈也孔魄  
哉延虛無之言間也瘞幽隱匿蔽竄微也訖徽妥懷安按替戾底廢尼定曷遏止也  
豫射厭也烈績業也績勳功也功績質登平明考就成也梏梗較頰庭道直也密康  
靜也豫寧綏康柔安也平均夷弟易也矢弛也弛易也希寡鮮罕也鮮寡也酬酢侑  
報也毗劉暴樂也覲髮第離也蠱詔貳疑也楨翰儀榦也弼棗輔比備也疆界邊衛  
圉垂也昌敵彊應丁當也淳肩搖動蠢迪俶厲作也茲斯咨咎己此也嗟咨嗟也閑  
狎串貫習也曩塵佇淹留久也逮及暨與也隳假格涉躋登陞也揮盞歇涸竭也掇  
拭刷清也鴻昏於顯間代也饁饗饋也遷運徙也秉拱執也廡熙興也衛蹶假嘉也  
廢稅赦舍也棲遲憩休苦敝隸咽息也供峙共具也懌憐惠愛也娠蠢震難妯騷感  
訛蹶動也覆察副審也契滅殄絕也郡臻仍迺侯乃也迪繇訓道也僉咸胥皆也育  
孟耆艾正伯長也艾歷也厯秭算數也歷傳也艾歷頽胥相也又亂靖神弗渥治也

頤艾育養也沃渾隕墜也際接熨捷也愆神溢慎也鬱陶繇喜也馘穢獲也阻艱難也剡矧利也允任壬佞也俾拼抨使也俾拼抨使從也僕仍因也董督正也享孝也珍享獻也縱縮亂也探篡俘取也徂在存也在存省士察也烈棊餘也迓迎也元良首也薦摯臻也賡揚續也耐禴祖也卽尼也尼定也邇幾暱近也安安坐也貉縮綸也貉嘆安定也伊維也伊維侯也時寔是也卒猷假輟己也求曾在卒就終也崩薨無祿卒徂落殫死也

釋言

殷齊中也斯謬離也謬興起也還復返也宣徇徧也駟遽傳也蒙荒奄也告謁請也肅囑聲也格懷來也吟底致也侈怙恃也律適述也俞奮然也豫臚敍也庶幾尙也觀指示也若惠順也敖撫傲也幼鞠稚也逸僭過也疑休戾也疾齊壯也憾褊急也買賣市也匪陋隱也遏遼逮也征邁行也圯敗覆也荐原再也撫救撫也矐眊瘖也桃頰充也屢暱亟也靡罔無也爽差也爽忒也仞貳也劑剪齊也饋餽稔也媵將送也作造爲也齎餼食也鞠究窮也瀟矜鹹苦也干流求也流覃也覃延也佻偷也潛

深也潛深測也穀鞠生也啜茹也茹虞度也試式用也誥誓謹也競逐彊也禦圍禁也窒雍塞也黼黻彰也膺身親也愷悌發也髦士官也峻農夫也蓋割裂也豈支載也誑諉累也漠察清也庇庥廕也穀履祿也履禮也隱占也逆迎也僭曾也增益也窶貧也夔隱也優吧也基經也基設也祺祥也祺吉也兆域也肇敏也挾藏也泱徹也替廢也替滅也速徵也徵召也琛寶也探試也髦選也髦俊也俾職也紕飾也淩慄也慄感也蠲明也茅明也明朗也猷圖也猷若也僭舉也稱好也坎律銓也矢誓也舫舟也泳游也迨及也冥幼也降下也傭均也強暴也寃肆也肆力也佻戴也瘞幽也斃斃也烘燎也焜焜也陪朝也康苛也樊藩也賦量也糗糧也庶侈也庶幸也筑拾也裝駟也集會也舫泝也洵均也洵龕也逮逕也是則也畫形也賑富也局分也憤怒也僂聲也葵揆也揆度也逮及也怒飢也眈重也獵虐也土田也成遏也師人也砧鞞也棄忘也囂閑也謀心也獻聖也里邑也襄除也振古也懟怨也縞介也號諄也凶咎也苞積也遙寤也顛題也猷肯可也務侮也貽遺也買買也賄財也甲狎也莢騷也莢亂也粲餐也渝變也宜肴也夷悅也顛頂也臺老也輜輕也儻淺也

綯絞也訛化也跋躐也蹇踳也蒸塵也戎相也飶私也孺屬也幕暮也燂熾也熾盛也  
也柢本也窵閒也淪率也罹毒也檢同也郵過也遜遜也斃踣也債僵也吟殄也曷  
盍也虹潰也陪闇也剝膠也孔甚也厥其也冥禮也闕臺也囚拘也攸所也展適也  
鬱氣也宅居也休慶也祈叫也濬幽深也哲智也弄玩也尹正也皇匡正也服整也  
聘問也愧慙也殛誅也克能也翌明也訥訟也晦冥也奔走也逡退也蹇仆也亞次  
也諗念也屆極也奩同也奩蓋也恫痛也握具也振訊也鬪恨也越揚也對遂也燬  
火也懈怠也宣緩也遇偶也曩臯也惶暇也宵夜也懊忤也愒貪也檣柱也裁節也  
竝併也卒旣也博慮也將資也滌絜也遞迭也矧況也廩靡也遁逃也訊言也間覘  
也沅沆也干扞也趾足也蹠刖也襄駕也忝辱也燠煖也塊塉也將齊也餽饋也啟  
跪也騰密也開闢也袍襴也障吟也覩妬也鸞糜也舒緩也翻蠹也蠹翳也陸壑也  
芼拳也典經也威則也苛姪也芾小也迷惑也狃復也逼迫也班賦也濟渡  
也濟成也濟益也緡綸也辟厯也檠盞也寬綽也袞黻也華皇也昆後也彌終也



明明斤斤察也條條秩秩智也穆穆肅肅敬也諸諸便便辯也肅肅翼翼恭也靡靡  
優優和也兢兢愬愬戒也戰戰踴踴動也晏晏溫溫柔也業業翹翹危也惴惴僬僬  
懼也番番矯矯勇也桓桓烈烈威也洸洸赳赳武也藹藹濟濟止也悠悠洋洋思也  
蹶蹶踏踏敏也薨薨增增衆也烝烝遂遂作也委委佗佗美也怛怛惕惕愛也俯俯  
格格舉也綦綦擘擘戴也慝慝媸媸安也祁祁遲遲徐也不不簡簡大也存存萌萌  
在也懋懋僕僕勉也庸庸僇僇勞也赫赫躍躍迅也綽綽爰爰緩也坎坎增增喜也  
瞿瞿休休儉也旭旭蹻蹻僑也夢夢訕訕亂也爆爆邈邈悶也僂僂洄洄昏也版版  
盪盪僻也熾熾炎炎薰也居居究惡也仇仇敖敖傲也眦眦瑣瑣小也悄悄慘慘  
慍也瘡瘡痠痠病也殷殷惇惇切切博博欽欽京京忡忡憒憒柄柄弈弈憂也喁喁  
田也麥麥耜耜也郝郝耕也繹繹生也稊稊苗也絲絲穰也捩捩穫也粟粟衆也溘溘  
淅也焯焯烝也球球服也峨峨祭也鏗鏗樂也穰穰福也子子孫孫引無極也顛顛  
叩叩君之德也丁丁嚶嚶相切直也藹藹萋萋臣盡力也噍噍喈喈民協服也佻佻  
契契愈遇急也宴宴粲粲尼居息也哀哀悽悽懷報德也儵儵嘒嘒罹禍毒也晏晏